



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-11-1276-9/20
Sarajevo, 13.08.2020. godine

Na osnovu člana 70. stav (1), (4) i (6) Zakona o javnim nabavkama ("Službeni glasnik BiH", broj: 39/14), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavku, broj: 06-11-1276-7/20 od 12.08.2020. godine, u postupku javne nabavke roba: "Vatrogasna oprema" za **LOT 1. Vatrogasne mlaznice i nastavci za pjenu**, Direktor Kantonalne uprave civilne zaštite Kantona Sarajevo, *donosi*

ODLUKU
o poništenju postupka javne nabavke "Vatrogasna oprema" za
LOT 1. VATROGASNE MLAZNICE I NASTAVCI ZA PJENU

Član 1.

Poništava se postupak javne nabavke roba: "Vatrogasna oprema" za **LOT 1. Vatrogasne mlaznice i nastavci za pjenu**, obzirom da nijedna primljena ponuda nije prihvatljiva za ugovorni organ, u skladu sa članom 69 stav 2. tačka d) Zakona o javnim nabavkama ("Službeni glasnik BiH" broj: 39/14).

Član 2.

Za realizaciju ove Odluke zadužuje se i ovlašćuje Komisija za nabavku roba: "Vatrogasna oprema" za **LOT 1. Vatrogasne mlaznice i nastavci za pjenu** i Sektor za ekonomske poslove Kantonalne uprave civilne zaštite Kantona Sarajevo.

Član 3.

Ova Odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo, (www.kucz.ks.gov.ba).

Član 4.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.



O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-11-1276/20 od 06.07.2020. godine.

Predmetni postupak nabavke je sproveden putem otvorenog postupka javne nabavke.

Procijenjena vrijednost javne nabavke, "Vatrogasna oprema" za LOT 1. Vatrogasne mlaznice i nastavci za pjenu je 45.250,00 KM bez PDV-a.

Komisija za nabavku je imenovana Odlukom, broj: 06-11-1276-1/20 od 06.07.2020. godine.

Obavještenje o nabavci, broj: 282-1-1-49-3-23/20, objavljeno je dana 09.07.2020. godine na Portalu javnih nabavki, kao i tenderska dokumentacija.

Komisija za nabavku dostavila je dana 12.08.2020. godine Direktoriju Kantonalne uprave civilne zaštite, Zapisnik o pregledu i ocjeni ponuda, Preporuku o poništenju predmetnog postupka i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu primljene ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da su u predmetnom postupku zaprimljene 2 (dvije) ponude;
- Da su blagovremeno zaprimljene 2 (dvije) ponude;
- Da nije bilo neblagovremeno primljenih ponuda;
- Da ponude ponuđača FINANC d.o.o. i FIRING d.o.o. ne ispunjavaju sve zahtjeve u pogledu opisa predmeta nabavke i tehničkih specifikacija. Ponuda ponuđača FIRING d.o.o. ne ispunjava sve zahtjeve iz tenderske dokumentacije i kao takva je nekvalifikovana i odbacuje se iz daljeg postupka javne nabavke vatrogasne opreme. Naime, ponuđač FIRING d.o.o., nije dostavio ponudu u skladu sa zahtjevom iz tenderske dokumentacije tačka 2.2. Podjela na lotove, odnosno svoju ponudu nije dostavio posebno prema LOT-ovima u odvojenim kovertama kako je traženo u navedenoj tački. Ponuda ponuđača FINANC d.o.o. ne ispunjava sve zahtjeve iz tenderske dokumentacije i kao takva je nekvalifikovana i odbacuje se iz daljeg postupka javne nabavke vatrogasne opreme. Naime, ponuđač FINANC d.o.o. nije dostavio dokumentaciju za stavku 1.1. i 1.2. iz Aneksa VII TD. U ponudi ponuđača FINANC d.o.o. je navedeno da su karakteristike mlaznice i nastavka za pjenu Ø 52 mm nalaze na stranici 60., 62. i 66. Uvidom u ponudu na navedenim stranicama ponuđača FINANC d.o.o. Komisija je primjetila da su navedene karakteristike mlaznice i nastavka za pjenu promjera Ø 25 mm.



U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bile osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je Preporuka o poništenju postupka javne nabavke data u skladu sa odredbama Zakona o javnim nabavkama, podzakonskim i općim aktima.


Iz navedenih razloga, primjenom člana 69. stav (2) tačka d), člana 70 st. (1), (4) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



Dostavljeno:

- Ponuđaču
- Sektoru za ekonomske poslove KUCZ KS
- a/a



Handwritten scribbles or marks in the center of the page.